

中國歷代氏族典


廣益書社



中國歷代氏族典

蘇州工業學院圖書館
藏書章

八



廣陵書社

中國歷代氏族典

第五百三十九卷 白姓部

四六八六

白亮采

白姓部紀事

白姓部雜錄

氏族典第五百三十九卷

白姓部彙考

唐書

宰相世系表

白氏出自姬姓周太王五世孫虞仲封於虞爲晉所滅虞之公族并伯奚滕伯姬於秦受邑於百里因號百里奚奚生視字孟明古人皆先字後名故稱爲孟明視孟明視二子一曰西乞術二曰白乙丙其後以爲氏裔孫武安君起賜死杜郵始皇思其功封其子仲於太原故子孫世爲太原人二十三世孫後魏太原太守邑邑五世孫建

廖用賢尚友錄

白姓

白南陽商音黃帝之後秦大夫白乙丙楚有白公勝楚平王太子建之子也

氏族

唐白鎰其先太原人高祖建北齊五兵尚書賜田韓

城因家焉父溫檢校都官郎中鎰其第六子徙家下邳任章縣令子五人季庚襄州別駕季般沛令季珍許昌令季寧河南參軍季平鄉貢進士孫居易字樂天季庚仲子也任刑部尚書行簡字知退居易弟鼎官主客員外郎味道巢縣丞景同淄州司兵參軍廩之舉進士皆居易姪也

白鏐爲揚州錄事參軍子季康爲溧水令孫敏中字用晦仕至司徒門下侍郎以太傅致仕

白姓部列傳

周

白善

按尚友錄善春秋時楚白公勝之族爲楚將家禮陽白公欲亂國名之善曰從子而亂其國則不義於君背子而發其私則不仁於族遂棄官治圃以灌園自適

白圭

按史記白圭傳圭周人也當魏文侯時白圭樂觀時變故人棄我取我取我與夫歲孰就穀予之絲漆蠶出取削絮與之食太陰在卯穰明歲衰惡至午旱明歲美至酉穰明歲衰惡至子大旱明歲美有水至卯穰著率歲倍欲長錢取下穀長石斗取上種能薄飲食忍嗜欲節衣服與用事僮僕同苦樂趨時若猛獸鷙鳥之發故曰吾治生產猶伊尹呂尚之謀孫吳用兵商鞅行法是也是故其智不足與權變勇不足以決斷仁不能以取予彊不能有所守雖欲學吾術終不告之矣蓋天下言治生祖白圭

白起

按萬姓統譜起郿人善用兵秦昭王用爲左庶長戰勝攻取凡七十餘城後封武安君

漢

白生

按漢書楚元王傳元王交善與魯穆生白生申公俱受詩於浮丘伯既王楚以爲中大夫及王戊卽位與吳通謀生諫不聽胥靡之衣之赭衣使杙曰雅春於市

白沛

按漢書儒林傳孟喜從田王孫受易喜授同郡白光子沛翟牧子兄皆爲博士絲是易有翟孟白之學

白奇

按萬姓統譜白奇博士從夏侯勝問論語

白子友

按歷城縣志子友漢時隱居東平陵南棠山石室躬耕養母時或絕糧飲水食橡栗讀易至精神爲夜降朱雲與陳咸自魯來從之學易五年而去

北魏

白淵之

按青州府志白淵之北魏時作齊道記

白渦

按常德府志白渦任武陵太守

白整

按魏書白整傳整因事腐刑少掌宮掖碎職以恭敏著稱稍遷至中常侍太和末爲長秋卿賜爵雲陽男卒贈平北將軍并州刺史

北齊

白建

按北齊書白建傳建字彥舉太原陽邑人也初入大丞相府騎兵曹典執文帳明解書計天保十年兼中書舍人肅宗輔政除大丞相騎兵參軍武平末歷特進待中中書令建勤於在公以典執兵馬致位卿相武平七年卒

唐

白鎰

按河南府志鎰山西太原人白居易之祖任華縣令居官以身帥民恩威並濟民畏之懷之後卒遺一子於輩今繁其族

白履忠

按唐書白履忠傳履忠汴州浚儀人貫知文史居大梁城時號梁丘子景雲中召爲校書郎棄官去開元十年召赴京師辭病老不任職詔拜朝散大夫乞還詔許遊京師徐返里閭留數月乃去

白季康

按渭南縣志季康初補本縣尉遷河內丞再遷彭城潯陽虹漚水四縣令爲人溫恭嚴重自始至終皆以廉幹見稱於時

白孝德

按唐書李光弼傳白孝德安西人事光弼爲偏裨史思明攻河陽使驍將劉龍仙挑戰加右足馬鬣上嫂罵光弼僕固懷恩請行光弼曰是非大將所宜左右以孝德對名問所須幾兵對曰願出五十騎見可而進大軍鼓譟以張吾氣孝德擁二矛策馬絕河半濟

龍仙易之孝德躍馬前搏追斬其首以還後累功至北庭行營節度使徙邠寧僕固懷恩引吐蕃兵入寇

孝德擊敗之末泰初吐蕃同統團連陽郭子儀說同統約盟吐蕃退走孝德大戰赤沙烽斬獲甚衆累封昌化郡王歷太子少傅建中元年卒贈太保

白元光

按唐書李光弼傳白元光字元光其先突厥人父道生歷寧朔州刺史元光初謀本軍補節度先鋒安祿山反詔徙朔方兵東討元光領所部結義營長驅從光弼出土門累遷太子詹事封南陽郡王爲兩都遊奕使長安平率兵清宮進擊餘寇轉衛尉卿兼朔方先鋒史思明攻河陽光弼名主騎軍其後歷靈武留後定遠城使貞元二年卒贈越州都督

白志貞

按唐書白志貞傳志貞本名瑋珪故太原史也事節度使李光弼輕軀自力有智數光弼善之擢累司農卿在官十年德宗以爲敏達倚腹心進授神策軍使賜今名善窺億帝指故言無不從從符奉天李懷光反論斥其姦貶恩州司馬貞元二年起爲果州刺史明年拜浙西觀察使死於官

白季庚

按唐書白居易傳居易父季庚爲彭城令李正己之叛說刺史李洎自歸累擢襄州別駕

白居易

按唐書白居易傳居易字樂天其先蓋太原人北齊五兵尚書建賜出韓城子孫家焉又徙下邳居易敏悟絕人工文章貞元中擢進士拔萃皆中補校書郎

元和元年對策乙等調整壓尉爲集賢校理召入翰林爲學士遷左拾遺四年建言乞盡免江淮兩賦

以救流瘠且多出官人惠宗頗采納以母喪解還拜左贊善大夫俄貶江州司馬既失志能順適所遇託浮屠生死說若忘形骸者久之徙忠州刺史入爲司門員外郎以主客郎中知制誥穆宗好收游獻續虞人箴以諷轉中書舍人於是天子寵縱宰相才下賞罰失所宜坐視賊無能爲居易雖進忠不見聽乃旬外還爲杭州刺史始築堤捍錢塘湖鍾洩其水溉田千頃復浚李泌六井民賴其汲久之以太子左庶子分司東都復拜蘇州刺史病免文宗立以秘書監召遷刑部侍郎封晉陽縣男太和中移病還東都除太子賓客分司踰月即拜河南尹復以賓客分司開成初起爲同州刺史不拜改太子少傅進鴻臚卿侯會昌初以刑部尚書致仕六年卒年七十五贈尚書右僕射

白行簡

按唐書白居易傳居易弟行簡字知退擢進士辟盧州劍南東川府罷入朝授左拾遺累遷主客員外郎進郎中行簡敏而有辭後學所慕尚寶曆二年卒

白敏中

按唐書白居易傳居易從祖弟敏中字用晦少孤承學諸兄長慶初第進士辟義成節度使李聽府遷右拾遺改殿中侍御史爲符澈節度使再轉左司員外郎宰相李德裕薦敏中知制誥召翰林爲學士進承旨宣立以兵部侍郎同中書門下平章事遷中書侍郎兼刑部尚書德裕貶敏中抵之甚力議者

嘗惡歷尚書右僕射門下侍郎封太原郡公以司空平章事兼鄆寧節度招撫制置使踰年檢校司徒從劔南西川治蜀五年有勞加兼太子太師徙荆南懿宗立召拜司徒門下侍郎還平章事數月足病不任謁固求避位不許未幾加敏中書令咸通二年固求免乃出爲鳳翔節度使三奏願歸守墳墓許以太傅致仕詔書未至卒冊贈太尉

白龜年

按尚友錄白居易龜年一日於嵩山東巖遇李白曰吾與汝父皆仙矣出一軸素書曰讀此可辨九天禽語試之悉驗

白聳

按萬姓統譜聳馬平人仕爲義勝都將光啓中寇入郡境盡驅其民掠其財帛聳率所部敗賊奪而歸之郡人爲之立祠

白皎

按荊州府志白皎荊州人有法術時河陽從事樊宗仁過江陵爲舟子王升所侮因訴而答之易他舟上峽不旬日至灘舟覆山嶽告之曰此王升所爲非白皎勿可制於是延白皎至掃地爲壇皎立中央引氣呼叫召王升不絕良久乃至則王升形魂焉皎數以罪狀升號泣而去宗仁解衣贈皎皎勿受後得進舟江陵訪王升皎召之夕已死

後晉

白文珂

按河南府志白文珂爲代州刺史開運元年契丹寇遂城樂善文珂戰於七里峯敗之

後漢

白再榮

按五代史白再榮傳再榮不知其世家少爲軍卒唐晉之間爲護聖指揮使契丹犯京師再榮從契丹北歸至鎮州諸將推爲留後再榮出於行伍貪而無謀是時李崧和凝等皆留鎮州再榮以兵懷其居迫而求物高祖即位拜再榮爲留後還義成軍節度使能還京師周太祖以兵入京師軍士攻再榮於第悉取其財斬之

宋

白重贊

按宋史白重贊傳重贊惠州樓煩人少從軍有武勇漢初自散員都虞候三遷護聖都指揮使乾祐中以功領端州刺史周廣順中授義成軍節度使鎮日何屢決重贊親部丁壯塞大程六合二堤世宗征劉崇以重贊爲河東道行營馬軍都指揮使以功授保大軍節度使還彰義軍節度宋初加檢校太師改鎮涇州俄改泰寧軍節度乾德四年又爲定國軍節度開寶二年改左千牛衛上將軍奉朝請三年卒年六十二

白守素

按宋史白守素傳守素開封人祖延遇仕周至鎮國軍節度父廷訓宋初爲龍捷都指揮使領博州刺史守素以蔭補東班承旨太平興國五年遷補右班殿直以善射授供奉官咸平四年命爲鎮州行營鈴轄俄改定州鈴轄復徙鎮州景德元年契丹侵長城口守素發兵破之加領康州刺史是冬契丹復內侵守

素敗其前鋒追叙前勞加合州團練使再遷南作坊使大中祥符五年卒

白厚

按尚友錄厚貧士娶富室劉純材女送烏嚙十事數紙爲書純材大笑答以珍珠一升紫鴨千頭又使家僮撒燭花盈路厚大慙

白時中

按宋史白時中傳時中字蒙亨壽春人登進士第累官爲吏部侍郎坐事降秩知鄆州已而復召用政和六年拜尚書右丞中書門下侍郎宣和六年除特進太宰兼門下封崇國公進慶國時燕山日告危急而時中恬不爲慮金人入攻京城御史劾時中屏懦不才詔落職未幾卒

白譔

按萬姓統譜譔紹興間爲右武大夫自金從太后歸宜言洪皓名聞四方而不見用秦檜奏繫譔大理寺謫客張伯麟題太學壁譔諷乃流譔萬安軍伯麟吉陽軍

白玉蟾

按萬姓統譜玉蟾瓊州人嘗於黎母山中遇神仙受洞元雷法後居武夷山嘉定中詔徵赴闕對御稱旨命館太乙宮一日不知所往後來名山神異莫測詔封紫清明道真人

白如璧

按新都縣志如璧博覽羣書隱居不仕避兵入山不食而死

白道元

按陝西通志道元涇陽人年七十餘髮齒面色宛若童稚日行千里脚下無跡後八十無病而卒既而舉葬棺空無尸

白朴

按六安州志朴字仁甫六安人少隨父樞判真定遭元兵父子相失自是不茹葷血人問其故曰俟見吾親後如初宋亡恆鬱鬱不樂誓不仕元中統初開府史公等屢薦不屈遂渡江而避從諸故友放情山水間詩篇詞翰在在有之皆寓不忘故國之意所著有朝野新聲太和正韻天籟集

金

白彥敬

按金史白彥敬傳彥敬本名遙設部羅火部族人初名彥恭避睿宗諱改焉祖屋僕根父阿斯什達爲率府率彥敬善騎射起家爲吏補元帥府令史除都元帥府知事有功超遷兵部郎中遷大理卿出爲通州防禦使改刑部侍郎正隆六年以彥敬爲北面行營都統世宗即位招彥敬彥敬拒之世宗密遣人乘夜揭榜於北京市購以官賞彥敬恐爲人圖已遂降以爲曷速館節度使不數月召爲御史大夫往西北路招討司市馬還爲兵部尚書出爲鳳翔尹改太原尹兼河北東路兵馬總管尋改河中尹大定九年卒於官

白華

按金史白華傳華字文舉涇州人貞祐三年進士初爲應奉翰林文字正大元年累遷爲樞密院經歷官六年以華樞樞密院判官七年五月眞授樞密判官

中國歷代氏族典

第五百三十九卷

白姓部

九年京師被攻四月兵退改元天興十二月朔上遣近侍局提點曳刺粘古即白華所居問事勢至於此計將安出華附奏人耕稼已廢糧斛將盡四外援兵皆不可指擬車駕當出就外兵留皇兄荆王使之監國任其裁處遣使告語北朝乞一二州以老如此則太后皇族可存正如春秋紀季人齊爲附庸之事聖主亦得少寬矣於是起華爲右司郎中二年正月上在歸德三月崔立以汴京降右宣徽提點近侍局移刺粘古謀之鄧上不聽時粘古之兄瑗爲鄧州節度使兼行樞密院事其子與粘古之子並從爲衛士通朝廷將召鄧兵入援粘古因與華謀同之鄧且拉其二子以往上覺之獨命華行既至鄧以事久不濟淹留於館遂若無意於世者會瑗以鄧人朱華亦從至襄陽宋署爲制幹又改均州提督後范用吉殺均之長吏送款於北朝遂因而北歸士大夫以華夙儒貴顯國危不能以義自處爲貶云

元

白察罕

按元史察罕傳察罕西域板勒訖城人也父伯德那歲庚辰國兵下西域舉族來歸事親王旭烈投河東民賦副總管因居河中倚氏縣後徙解州察罕魁偉穎悟博覽強記通諸國字書爲行軍府與魯千戶與魯赤參政湖廣辟爲蒙古都萬戶府知事與魯赤進平章復辟爲理問至元二十八年授樞密院經歷大德四年中書省奏爲武昌路治中以治最聞擢河南省郎中武宗即位立仁宗爲皇太子授察罕詹事院判進詹事院事改正奉大夫至大元年進太子府

正遷家令仁宗即位拜中書參知政事但總持綱維不屑細務識者謂得大臣體皇慶元年進平章政事賜姓白氏致仕八年以壽終子外家奴武岡路總管李家奴早卒忽都篤高郵府判官

白景亮

按元史白景亮傳景亮字明甫南陽人明法律善書算由征東行省譯史有勞超遷南恩知州陞沔陽府尹奏最於朝特授衢州路總管覈驗田畝以均役輕重咸便安之他郡邑皆取以爲法景亮性廉介勤苦自奉甚薄妻尤儉約惟以脫粟對飯而已部使者嘗上其事特詔褒美賜以官錦改授台州路總管卒於官

白守一

按延安府志守一本太山寒食溝人自幼禮趙真人爲師號碧然子

白用

按永壽縣志用字器之永壽人至大二年間行至郭北五里許俯矚泉流汨汨而南乃以錫掘地得導水瓦溝續瓦引流直達城內市民利賴之用素有出塵之想屏妻子結廬泉上懷鼻逍遙每見渠水泄卽爲補葺祀鄉賢

白德明

按陝西通志德明字顯達家居美原父獻金鄉進士母黨氏嘗夢白鳳棲庭已而生德明長爲道士志行廉潔住持三原龍陽宮賜號天光真人

白挺

按萬姓統譜挺字廷玉錢塘人博綜經史詩文一主

中國歷代氏族典

第五百三十九卷 白姓部

四六九〇

於理仕至儒學副提舉所著有湛源集行於世

白湛

按安陸府志湛順帝至元元年知荆門州

白鎮住

按中牟縣志鎮住淳澤里人仕元爲平章生三子明太祖提兵過邑之楊橋鎮鎮住長子某拒戰見勢不能敵不肯降拔劍自刎尸執劍而立太祖嘉其忠下拜方仆更爲營葬命畫像爲文以祭之次子隨元帝入北三子繼其嗣

明

白天民

按萬姓統譜白天民鉛山人洪武初以明經爲邑庠生爲訓導教人有方召至京師授肇慶府知府有政績著聞

白均甫

按洛川縣志均甫洪武三年征李王朝察罕腦兒克虹螺山寨病卒子林補役林卒弟白補三十二年取廣昌蔚州又白溝河大捷屢戰有功陞肅州衛百戶世襲授昭信校尉贈父均甫如其官

白素

按寶慶府志素真定人監生洪武九年以守城有功擢知武岡州興禮讓厚風俗省刑罰教化大行

白叔敏

按萬姓統譜叔敏洪武十八年知潮州興學校課農桑持身清白爲民除弊人不敢干以私

白範

按萬姓統譜範字以中學行爲世推重膺典教勳

戚家勳有典刑諸子弟遵其教習服清素革統袴淫靡之習擢青州府同知政以寬簡而治卒於官有詩文傳於世

白思謙

按萬姓統譜思謙東昌人洪武二十九年舉鄉試授工部主事有隆舉擢廣西右參政益以清白持身擢山西右布政使奉勅賑濟活人數萬孫瑩正統進士授戶科給事中中最知名

白威

按新野縣志威字令儀新野人洪武中由舉人授山西解州衛教諭時歲旱民多流殍威即疏民瘼數事上聞時仁廟以儲宮監國嘉其直言且知治體詔授安邑知縣既視篆革弊恤民擢御史陞詹事府主簿子琮登進士

白瑜

按萬姓統譜瑜字楚英武進人永樂中鈞州判官廉勤有爲均平賦役凡利於民者即與之妨於衆者即去之秩滿留任始終如一

白友諒

按南宮縣志友諒南宮人靖難兵起邑被兵友諒與母遇兵於野兵欲見害友諒泣告曰勿害吾母吾不敢求免兵義而釋之與弟友直相愛凡家資悉與弟並不分彼此其天性孝友如此

白祥

按文水縣志祥字文水人永樂間其父爲犯者株連當刑祥願代之臨刑神色不變其孝父子俱免

白英

按汶上縣志英汶上老人也永樂中尚書宋禮尋勝國會通故道英獻計導百餘泉入汶築壩戴村橫互五里遏汶全流出於南旺四分南流達於淮泗六分北流達於漳衛明二百餘年引東南之粟以實京師皆英之力也

白春

按六安州志春字應亨永樂間進士授廣西道監察御史糾舉尤當人無敢犯後復監理邊餉軍民德之以母老致仕歸著有詩藁藏於家

白圭

按萬姓統譜圭字宗玉南宮人正統壬戌進士授御史歷陞都御史巡視湖廣人爲兵部尚書加太子太保歷官中外數從軍旅累有成效而刑襄之功爲最諡恭敏

白行忠

按清澗縣志行忠字大本行順同母弟正統間舉人初知襄垣尋改安肅俱勞心撫字兩地交口頌之歷官至兩淮鹽院所至皆以清白自持

白必安

按延平府志必安將樂人正統十三年沙九賊寇城凡四十六日必安自雇木工鐵匠日造銃箭分給射賊賊退民苦饑僅又輸米二百石賑濟民賴全活者衆又助修三華橋出粟二百石詔賜冠帶以旌其義固辭不受

白瑩

按韶州府志瑩字思謙孫樂昌人正統間進士授戶科給事中忠鯁自持疏錄死難諸臣之後又疏罷樂昌

河泊所及減桑絲紅船額稅

白侃

按萬姓統譜侃字廷直平定人景泰甲戌進士歷官副使

白良輔

按河南府志良輔字堯佐淹貫經史及性理諸書初從河東薛文清公遊登景泰辛未進士擢監察御史搏擊權豪不避艱險按治山陝姦宄通跲轉太僕寺寺丞陞本寺卿卒於家

白惟勳

按清澗縣志惟勳字勉之清澗人景泰間舉人領沁州牧廉明著聞時有婦暮行賊覘其首飾先以沙撲其面適一人突至救之婦目眇無從辨俱訟之官賊誣救者為劫久之弗能決惟勳密函蒼頭於箱篋二囚側令二囚自相評語悉得其情救者獲免由是上下神明之今祀名宦

白昂

按萬姓統譜昂字廷儀武進人性謙厚天順丁丑進士擢禮科給事中嘗因災異上謹命令以全大信六事會內臺巡江治河有功入司風紀歷掌邦刑有平恕老成之譽致仕卒諡康敏子圻

白玉

按洋縣志白玉洋縣人天順己卯舉人任浙江紹興府知府性饒介蒞政廉平愛民重士卓有政聲

白廷祿

按清澗縣志廷祿字君錫其先米脂人五世祖斌以買寓於清澗遂家焉廷祿天性孝友歲荒出粟賑濟

有盜其禾者廷祿見而過之曰彼為貧迫耳若發之豈不壞人一生乎其忠厚類如此後有司延為鄉賓

白圻

按萬姓統譜圻字輔之昂子成化甲辰進士歷官都御史

御史

白金

按萬姓統譜金字士珍武進人成化癸丑進士歷官參政

白思明

按萬姓統譜思明字磨之平定人由進士知嘉定縣持身廉謹政務寬平先是瀕海之地一夕大風海水騰湧人畜多溺死者為請於官發民築土成隄凡百五十里水患隨息累官大理寺少卿

白坦

按萬姓統譜坦字易之武進人成化壬辰進士歷官員外

白行順

按萬姓統譜行順字致和陝西清澗人成化間知濟南府訪求治原緩刑罰興學校教民耕種招撫流散賑恤窮獨尋陞山西參政歷都御史

白鸞

按萬姓統譜鸞字孟禽寶雞人成化丁未進士任御史

白鐵

按萬姓統譜鐵字秉德圭子成化甲辰進士第二歷禮部尚書諡文裕

白玠

按萬姓統譜玠字宗璞武進人成化己丑進士歷尚寶卿

白溥

按莘縣志溥字大濟莘縣人天性純孝父本卒泣血號慟寢苦枕塊未嘗違禮既葬廬於墓側三年朝暮哀寃及母卒哀毀廬墓一如喪父時弘治間旌表正德間恩加冠帶

白未盛

按六安州志未盛字寧夫六安人早孤事母孝兄永昌疾奔走求醫逮卒哭之嘔血事嫂如母所著有溪山集

白坪

按萬姓統譜坪字良甫南宮人正德丁丑進士歷知府

白鑑

按萬姓統譜鑑字應衡定州人正德辛巳進士歷僉事

白悅

按萬姓統譜悅字貞夫武進人嘉靖壬辰進士歷尚寶卿子啓常字伯倫庚戌進士歷光祿寺少卿

白貴

按萬姓統譜貴字亨甫漳州人嘉靖己丑進士任御史

白璧

按萬姓統譜璧字石仲河間人嘉靖辛丑進士歷參政

白起旦

中國歷代氏族典

第五百三十九卷 白姓部

四六九二

按鷄澤縣志起旦湖廣華容人任鷄澤知縣詢察民隱與利除弊不避權要以骨鯁不阿竟挂冠而去子竹以進士爲名臣

白爵

按宣府鎮志爵陝西人後軍都督府署都督僉事佩鎮朔將軍印嘉靖十九年鎮守宣府嚴明以治將卒智勇以禦邊塞

白鎰

按盧龍縣志鎰少穎慧爲郡諸生居家孝弟事兄嫂如父母由國學選南錦衣幕官遷汶上丞勦賊植良後致仕課三子寒暑弗輟長子仲瑜季璩璩皆廩生瑜中萬曆乙未進士選庶吉士歷刑部尚書孫養粹中甲辰進士歷兵備叅政

白遷

按南宮縣志遷號見齋嘉靖甲午順天亞元任南陽司李操守嚴正剔蠹釐姦以與同寮不和致仕

白恭敏

按南宮縣志恭敏南宮人性至孝在京師官邸丁父憂千里奔喪街哀歸葬葬之日有白鶴數十旋繞墓所人以此爲孝感所致

白珩

按南宮縣志珩南宮人事親至孝父母衾枕晨昏必親自卷舒茶必躬親爐白一日不見則惘然不樂歷三十餘年如一日也

白瑀

按保定府志瑀字仲玉新安人以明經爲文安教諭天性孝友事親養盡惟畏盡哀精通戴禮著書甚富

白璧

按清澗縣志璧字完珍清澗人隆慶間舉人任定襄令立決冤獄活無辜三十餘人又發廩賑饑爲民贖其鬻女於樂籍者百餘招流興學周貧恤士陞絳州守開水利除盜數政績尤著

白棟

按綏輔通志棟陝西榆林人隆慶辛未進士萬曆間任昌平兵備道清廉慈惠部民構祠肖像尸祝之

白成文

按延安府志成文字元冲清澗人璧之子習舉子業試高等食餼丙辰例當貢一人首貢目盲不能書成文代爲書以曲全之後以歲薦司訓開喜課士多成就遷別駕不就歸年八十四卒

白正蒙

按通州志正蒙字爾亨通州人萬曆癸丑進士少孤貧爲學過目能誦爲詩文操筆立就選行人名謀一時奉使蜀藩還便道里門有寄田以俸優免與考試求薦及貧舉以希貶法者皆辭謝曰吾雖貧安能爲人居間以規利耶後復捧命冊封周藩成禮以疾歸卒

白廷魁

按灤州志廷魁字復古別號雪軒少具異才試輒冠軍存心寬厚有人盜其牛事覺曰吾原未失牛任臨城令催科不擾修學課士以失奉上官調備邑拂衣歸所著詩有一班集文有草應藁藏於家

白竹

按岳州府志竹字長倩華容人萬曆間進士累官至

建昌守以廉著起瓊州守還粵東提學清介如前郡祀名宦

白宗舜

按清澗縣志宗舜字明廷弱冠領鄉書授蒲州守冰藥自操禁絕干謁調歸陵其廉明亦如在蒲時也尋爲當事所忌罷歸卒年八十餘子孫四十二人多至顯達

白似鶴

按清澗縣志似鶴字潔夫廷祿子事親色養兄死撫孤子如己出推產與孀嫂萬曆癸未歲大侵出資賑之至丙戌復大侵似鶴復賑之如初

白希繡

按延安府志希繡字夢山延安人萬曆間進士任魚臺知縣擢吏科給事中歷陞山西巡撫臺吏望風解組建青龍驛城土人祠祀之

白紹光

按九江府志紹光號鏡臺武進人由鄉薦任彭澤令值歲大旱暴日哀訴大雨如注稿苗復蘇秩滿擢吏科

白檀

按莘縣志檀字礎之莘縣人天啓乙丑進士少儻不羣制義古秀高卓與閩中陳士奇齊名稱二難稿膾炙人口授平陽司理擊彈不避強禦後遷盧氏令閩賊往來蹂躪檀料理殘疆百計拒守力竭城破賊強之降檀大罵不屈而死

白儲珩

按順德府志儲珩南和人進士三爲司理陞銓部持

正不阿及逆聞用事矯旨以負氣偏執落職崇禎朝
晉太常卿卒於家祀鄉賢

白精衷

按鳳陽府志精衷字輔乾天啓間舉人幼孤事母以
得歡心爲樂乙亥寇警至城破遇賊追之負輜重不
應賊怒以刃迫之無俯懇狀手護一袴曰我母手裁
也遂遇害

白慧元

按畿輔通志慧元清澗人進士崇禎八年知任丘縣
解任未及去適遭戊寅之變夫婦殉難贈副使賜祭
葬陰一子

白繪

按昌平州志繪由薦舉任昌平守備崇禎末年守城
歿

白抱一

按南和縣志抱一以恩選授河南林縣令廉能爲河
南第一會白蓮教反抱一練兵討平之行取御史首
劾權要中外肅然戊寅命巡漕有應解公用數萬緡
一切報罷人皆異之告終養歸

白若嘯

按冀州志若嘯冀州庠生崇禎戊寅城陷率長子濯
并姪其志同死

白九有

按河間府志九有河間縣生員戊寅兵至不屈死之

白引祚

按河間府志引祚河間縣生員壬午城陷引祚率弟
生員引昌引賢姪調鼎晉銘鼎閣門力守自辰至酉

臨焚抗節而死

白教賓

按彰德府志教賓順天人選入太常寺時祀內庭見
魏璫不拜遂斥爲超府典樂

白羽

按尉氏縣志羽尉氏武生也明末賊登城迫降羽不
肯屈投城下死

白乃忠

按羅田縣志乃忠四川江津舉人崇禎間仕羅田知
縣多方招撫遷石城立義勇營料理精細操守清苦
歷四載賊不敢近城

白琦

按慶陽府志琦安化人崇禎間賊入城琦與陳直諫
楊友仁黃景運劉廷珍等俱止衣冠北面再拜而死

白曰可

按清澗縣志曰可原名篆字義書號衷葵清澗人博
聞強識學問淵弘學者皆稱爲衷葵先生流賊入關
避山中自號嚴老生平所著作曰敦本堂全稿卒後
門人私謚曰文靖

白純修

按灤州志純修字全夫號敬予東勝衛籍世居於深
質仁惇德侍親湯藥旬月弗解巾襦殯葬後友撫諸
弟議產助緼無厭色崇禎庚午兵亂奔避仲子暨姪
方在襁褓度難兼攜乃棄子負姪去後子亦復全

白承宗

按通州志承宗字厚之通州人幼喪母事繼母如所
生父忽病瞽嘗以舌舐其目父八十時承宗置酒高

會以娛親親目忽開如故人皆異之有司以事聞部
使者旌之歲給米帛

白南金

按永年縣志南金字機甫臨洛人精於詩高亮擺脫
蹊徑每高歌暢飲目無流俗有洛詞二集行世

白比珩

按綏德州志比珩字康德綏德人以選貢判臨清推
彭山令劔州茂州守所至有惠政歷常州同知工刑
二部郎中始終清苦自持

白勉

按重慶府志勉涪州人進士歷官刑部侍郎練達刑
名有經濟才及卒賜祭有剛方清介之褒

白眉

按重慶府志眉璧山縣庠生自幼育於祖母晏長始
識其母晏病思魚尋求無獲忽遇攜魚者授之候不
見晏病果愈父可緡曾被馬傷割右臂以療之生平
孝謹不能盡述里人頌之

白亮采

按河南通志亮采汴將與閩賊戰死之

白姓部紀事

元史察罕傳帝嘗語及科舉并前古帝王賜姓命氏之事因賜察罕姓白氏初察罕生於河中其夜天氣清肅月白如晝相者賀曰是兒必貴國人謂白爲察罕故名察罕

白姓部雜錄

日知錄白氏唐白居易自序家狀曰出於楚太子建之子白公勝楚殺白公其子奔秦代爲名將乙丙已降是也裔孫白起有大功於秦封武安君按白乙丙見於僖之三十二年白公之死則哀之十六年後白乙丙一百四十八年曾謂樂天而不考古一至此哉唐宰相世系表以西乞術白乙丙爲孟明之子九誤

欽定古今圖書集成明倫彙編氏族典

第五百四十卷目錄

翟姓部彙考

廖用賢尚友錄翟姓

翟姓部列傳

周

翟璜

漢

翟肝

翟嘉

翟光

翟方進

翟義

翟兄

後漢

翟醜

晉

翟湯

翟超

宋

翟法賜

梁

翟子榮

北魏

翟黑子

隋

翟普林

翟山

翟不疑

翟公

翟宣

翟牧

翟莊

翟乾祐

唐

翟璋

後梁

翟景珂

後晉

翟進宗

後周

翟光鄴

宋

翟守素

翟汝文

翟進

翟傑

金

翟永固

元

翟文彬

翟思誠

翟復

明

翟益

翟聚

翟善

翟迪

翟弁

翟敬

翟瑄

翟鑾

翟唐

翟鵬

翟表

翟瑛

翟鳳

翟萱

翟廷惠

翟生光

翟文英

翟章

翟廷楠

翟道人

翟近辰

翟鞏

翟觀

翟瓚

翟凌雲

翟攸

翟濤

翟霞

翟佑

翟文

翟維

翟言

翟事心

翟鳳翀

翟三策

翟羽翺

氏族典第五百四十卷

翟姓部彙考

廖用賢尚友錄

翟姓

翟南陽徵音黃帝之後代居翟以地爲氏

翟姓部列傳

周

翟璜

按尚友錄璜下邳人魏文侯與士大夫坐問曰寡人何如君也皆曰君仁君也翟璜曰君非仁君也文侯怒問任座對曰仁君也曰子何以知之對曰臣聞之其君仁者其臣直向璜之言直是以知也文侯曰善復召璜爲上卿

漢

翟盱

按漢書功臣表盱以漢王二年爲燕令以都尉下楚九城封衍侯十二年薨諡簡

翟山

按漢書功臣表高后四年祗侯山嗣二年薨

翟嘉

按漢書功臣表高后六年節侯嘉嗣四十四年薨

翟不疑

按漢書功臣表建元三年侯不疑嗣元朔元年坐挾

詔書論耐爲司寇

翟光

按漢書功臣表元康四年盱元孫陽陵公乘光詔復家

翟公

按尚友錄公下邳人文帝時爲廷尉賓客填門及罷門外可設雀羅後復用賓客欲往公大署其門曰一死一生乃知交情一貧一富乃知交態一貴一賤交情乃見

翟方進

按漢書翟方進傳方進字子威汝南上蔡人家世微賤至方進父翟公好學爲郡文學方進年十二三失父給事太守府爲小史數爲掾史所詈辱從汝南蔡父相蔡父大奇其形貌謂曰小史有封侯骨當以經術進方進喜因病歸辭後母欲至京師受經母憐其幼隨之長安織履以給方進讀經博士受春秋積十餘年經學明習以射策甲科爲郎舉明經遷議郎轉博士遷朔方刺史有威名遷丞相司直旬歲間免兩司朝廷由是憚之丞相宣甚器重焉上以爲任公卿徙京兆尹坐太皇太后喪煩擾百姓左遷執金吾遂擢爲丞相封高陵侯以災異賜詔書自殺上祕之冊贈丞相高陵侯印綬天子臨弔諡曰恭

翟宣

按漢書翟方進傳宣方進長子字太伯明經篤行君子人也及方進在爲關都尉南郡太守嗣侯坐弟義起兵死

翟義

按漢書翟方進傳義方進少子字文仲少以父任爲郎遷諸曹出爲南陽都尉以法縛宛令劉立威震南陽後坐法免起家弘農太守遷河內太守青州牧所居著名徙東郡太守王莽居攝義舉兵立東平王雲子信爲天子義自稱大司馬柱天大將軍誅莽兵敗死

翟牧

按尚友錄收蘭陵人有子曰兄翟兄

後漢

翟酺

按後漢書翟酺傳酺字子超廣漢雒人也四世傳詩酺好老子尤善圖緯天文歷算以報舅雒當徙日南亡于長安爲卜相工後牧羊涼州遇赦還仕郡徵拜議郎還侍中拜尚書時安帝始親政事追感祖母朱貴人悉封其家又元舅耿寶及皇后兄弟閭顯等並用威權酺上疏諫書奏不省而外戚寵臣咸畏惡之延光三年出爲酒泉太守叛羌鈔郡界酺赴擊斬首九百級遷京尹順帝即位拜光祿大夫遷將作大匠損省經用歲息四五十萬屢因災異多所匡正由是權貴共誣酺交通屬託坐減死歸家復被章云酺前與河南張楷等謀反逮詣廷尉及杜真等上書訟之事得明釋卒於家

晉

翟湯

按晉書翟湯傳湯字道深尋陽人篤行純素仁讓廉絜不屑世事耕而後食人有餽贈雖釜庾一無所受永嘉末寇害相繼聞湯名德皆不敢犯鄉人賴之康帝以散騎常侍徵湯固辭老疾不至年七十三卒於家

翟莊

按晉書翟湯傳湯子莊字祖休少以孝友著名遵湯之操不交人物耕而後食語不及俗惟以弋釣爲事及長不復獵或問漁獵同是害生之事而先生止去

其一何哉莊曰儼自我釣自物未能頓盡故先飾其甚者晚節亦不復釣端居華門歎枝飲水州府禮命及公車徵並不就年五十六卒子矯亦有高操屢辭辟命矯子法賜

翟超

按萬姓統譜超山陽太守

宋

翟法賜

按宋書翟法賜傳法賜尋陽柴桑人也曾祖湯子莊莊子矯並高尚不仕矯生法賜少守家業立屋於廬山頂喪親後便不復還家不食五穀以獸皮結草爲衣雖鄉親中表莫得見也州辟主簿舉秀才右參軍著作佐郎員外散騎侍郎並不就後家人至石室尋求因復遠徙後卒於巖石之間

梁

翟子榮

按德安府志子榮梁武帝太清三年爲德安太守

北魏

翟黑子

按魏書高允傳遼東公翟黑子有寵於世祖奉使并州受布千疋事尋覺黑子請計於允允曰公帷幄寵臣答詔宜實又自告忠誠罪必無慮中書侍郎崔覽公孫質等咸言首實罪不可測宜諱之黑子反怨允曰如君言誘我死遂與允絕以不實對竟爲世祖所疎獲罪戮

隋

翟普林

按隋書翟普林傳普林楚丘人也性仁孝事親以孝聞州郡皆命固辭不就躬耕色養鄉鄰謂爲楚丘先生後父母疾親易燥濕不解衣者七旬大業初父母俱終哀毀殆將滅性廬於墓側負土爲墳盛冬不衣綃絮唯著單縗而已家有一犬普林哀臨犬亦悲號有二鵲巢其廬前柏樹每入廬馴押無所驚懼大業中司隸巡察其孝感擢授孝陽令

翟乾祐

按尚友錄乾祐有道術以考名著名雲安一邑江流之險十有五處一日名其難神使平之至者十四最後至乃一女人曰沿江小民藉江流之險爲人挽負以資其生豈可平也於是命灘神悉復其險

唐

翟璋

按萬姓統譜璋陝州刺史

後梁

翟景珂

按五代史翟光鄴傳光鄴父景珂倜儻有膽氣梁晉相距於河上景珂率聚邑人守永定驛晉人攻之踰年不能下景珂卒戰死

後晉

翟進宗

按五代史翟進宗傳進宗不知其何人也初事唐後事晉爲淄州刺史楊光遠反以騎兵數百脇取至青州而進宗不屈光遠遂殺進宗出帝贈進宗左武衛上將軍光遠平詔求進宗尸加禮歸葬事官給以其子仁欽爲東頭供奉官

後周

翟光鄴

按五代史翟光鄴傳光鄴字化基濮州鄆城人也時年十歲爲晉兵所掠明宗愛其穎悟常以自隨光鄴事唐官至耀州團練使晉高祖時歷棣沂二州刺史西京副留守出帝以光鄴爲青州防禦使光鄴招輯兵民甚有恩意漢高祖入京師改右領軍衛大將軍充衛使周太祖入立拜宣徽使樞密副使出知永興軍卒於官光鄴爲人沈默多謀事繼母以孝聞

宋

翟守素

按宋史翟守素傳守素濟州任城人父溥晉左司禦率府率守素以父任爲殿直歷漢周遷供奉官領承天副使乾德中爲引進副使從王全斌伐蜀蜀平擢判四方館開寶三年命爲劍南十州都巡檢使太平興國三年錢俶獻浙右之地詔守素爲兩浙諸州兵馬都監安撫諸郡人心甚悅即以知杭州歲滿爲西京巡檢使雍熙二年改知延州四年留充天雄軍兵馬鈐轄知大名府改知潞州會建方田命爲代北方田都部署并州兵馬鈐轄從屯夏州改知鳳翔府淳化中夏帥趙保忠上言其弟繼遷誘戍人爲寇宜求援師詔守素率兵復屯夏州未幾又徙石州以老病上疏求歸本郡從之三年卒年七十一守素逮事四朝歷歷內職五十餘年性謹慎寬仁容衆所至有治績

翟守珣

按萬姓統譜守珣太祖時爲李重進親吏重進移鎮

青州謀舉兵遣守珣往路陰結李筠守珣識太祖往還京師將詣樞密承旨李處耘求見太祖太祖厚賜守珣

翟汝文

按宋史翟汝文傳汝文字公巽涇州丹陽人登進士第以親老不調者十年擢議禮局編修官召對徽宗嘉之除祕書郎遷起居郎皇太子就傳命汝文勸講除中書舍人出知襄州移知濟州復知唐州召拜中書舍人外制典雅一時稱之出守宣州召爲吏部侍郎出知廬州徙密州欽宗即位召爲翰林學士改顯謨閣學士知越州兼浙東安撫使紹興元年召爲翰林學士兼侍講除參知政事同提舉修政局時秦檜相怒劾汝文專擅罷去以卒先是汝文在密檜爲郡文學汝文薦其才故檜引用之然汝文性剛不爲檜屈對案相詬至目檜爲濁氣汝文風度翹楚好古博雅精於篆籀有文集行於世

翟輿

按宋史翟輿傳輿字公祥河南伊陽人少以勇聞劇賊王仲起與弟進應募擊賊號大翟小翟金人犯京師西道總管王襄徽輿統領在城軍馬以保護陵寢功補承信郎辟京西北路兵馬副鈐轄爲陝西宣撫司前軍統制會進爲叛將楊進所害明年懇進死事於朝以輿代進爲京西北路安撫制置使兼京西北路招討使兼知河南府楊進屯鳴阜山北輿與子崇帥鄉兵時出擾之進中流矢死餘衆潰去西京平金人犯永安軍輿遣子崇與博戰屢捷迨至澠池詔授河南孟汝唐州鎮撫使兼知河南府轉武略大夫

兼閤門宣贊舍人寓治伊陽金人入陝右遣將邀擊俘五十餘人又遣子崇生擒金河東都統保骨遂復陽城縣鄧州人楊某擁衆河北僞稱信王輿遣將董先追獲於商州殺之進武功大夫忠州團練使劉豫將遷汴以輿屯伊陽憚之陰遣人陷裨將楊偉以利偉殺輿攜其首奔豫事聞贈保信軍節度使子崇沉勇有父風繼輿爲鎮撫使琳閤門祇候

翟進

按宋史翟輿傳輿弟進字先之以捕盜勞補下班殿侍累功克京西第一將金人逼靈山砦進父子兄弟與之戰潰圍至高都集鄉兵七百人夜行晝伏五日至洛城夜半破關入擒高世由再捷於伊陽白草塢授武義大夫閤門宣贊舍人屢與金人夾河戰乘勝入洛陽金人聚懷衛蒲孟數州之衆薄城下斧諸門入進率士卒巷戰太子亮死之遷武功大夫充京西北路兵馬都鈐轄尋授馬步軍副總管陞本路制置使會楊進遣數百騎絕水犯進營進乘半渡擊之追敗數十里破賊四砦馬驚墜輿爲賊所害贈左武大夫忠州刺史官其後五人

翟亨

按萬姓統譜亨歸等人事母孝鄉人呼爲翟夫子

翟傑

按廣州府志傑東莞人自少負才名篤孝友紹興乙卯成進士司戶化州有士愛民教養兼致數年而州稱治及丁艱居邑凡事屬艱鉅一意維持邑人德之卒祀於本學思賢堂子僊孫卷石俱登進士有行誼政聲

翟國榮

按景陵縣志國榮咸淳八年九月爲復州副將與元人戰於瀾泥湖兵敗死之

金

翟未固

按金史翟未固傳未固字仲堅中都良鄉人歸宋宋人以經義兼策取士未固中第一授開德府儀曹參軍金破宋未固北歸中天會六年詞賦科授懷安丞遷望雲令補樞密院令史攝左司郎中歷同知清州防禦使入爲工部員外郎正隆二年遷翰林學士承旨與直學士韓汝嘉俱召至內殿間以將親伐宋事未固對曰宋人無釁隙伐之無名縱使可伐亦無煩親征遣將帥可也由是大忤海陵意未固即請致仕歸臥於家大定二年起拜尚書左丞請依舊制廉察官吏革正隆守令之汙從之明年表乞致仕詔不許罷爲眞定尹五年懇乞致仕許之六年薨

元

翟文彬

按保定府志文彬滿城人以武功顯

翟居德

按興國州志居德字安常金臺人爲本郡錄事參軍遇旱請禱霖雨沛然居官廉勤卓有政績

翟思誠

按淄川縣志思誠淄川人母病思誠日夜侍湯藥衣不解帶母死廬墓三年

翟耆年

按鎮江府志耆年字伯壽丹陽人汝文子以父任入

官好古文性孤介不苟合自謂爲吏必以慧能棄官歸著書自娛

翟復

按南康府志復至正四年爲都昌丞遇歲旱恆切已憂每歲卽雨建興孝園以收不能葬者父老爲立碑頌之

明

翟益

按萬姓統譜益洪武中任平原縣丞廉聲大著尊陞按察司僉事持法公平

翟祥

按蘇州府志祥字君瑞嘉定人少通易學爲太祖占候皆驗賜以勅命爲訓術所著有希微子簡易錄

翟聚

按祥符縣志聚祥符人性至孝嘗割肉以愈母病洪武二十年以孝廉舉授行人母沒廬墓哀毀踰禮終直隸臨淮丞有司表揚之

翟昌甫

按萬載縣志昌甫萬載人家貧樂道喜讀書後以人才辟舉爲郎官

翟善

按泰興縣志善字敬甫泰興人聰穎異常十歲補邑諸生選入監授主事轉員外高皇帝察其可大用起拜吏部侍郎進家宰每有大議必首被顧問奏對皆稱旨因以良佐目之

翟溥福

按萬姓統譜溥福字本德東莞人永樂進士任知青

陽縣尋陞知府咸有惠政爲江西第一郡守致仕去家事蕭然清貧自甘

翟迪

按廣西通志迪山東淄川人永樂間知慶遠府以寬簡得衆心

翟整

按明一統志整末梁初知南樂縣在任典補廢墜孜孜不輟爲政務寬平後致仕

翟升

按涇陽縣志升涇陽人正統間舉人授寧陽知縣端詳慈祥民宜之時論謂不負科名云

翟繩祖

按廣州府志繩祖字從先少負奇節重然諾好讀書與撫李材以誣陷下獄繩祖伏闕上書訟其冤因得赦出繩祖與材素不相識其慷慨慕義若此

翟敬

按萬姓統譜敬字致恭大興人正統壬戌進士歷太僕寺卿

翟亨

按萬姓統譜亨九齡衛指揮僉事正統中以征蒙古及麓川功累遷指揮使後復征麓川偕其弟戰死朝廷遣官諭祭之

翟瑄

按萬姓統譜瑄字廷瑞洛陽人天順甲申進士歷尚書

翟通

按儀封縣志通字士亨儀封人成化間進士任戶部

主事督轉輸徐州時歲饑通首疏請賑後累官至山東右叅政

翟鑒

按萬姓統譜鑒字仲鳴錦水籍西鄉人弘治乙丑進士改庶吉士歷武英殿大學士吏部尚書甲辰以中式罷乙巳詔復冠帶隆慶初復職論文懿有應制詞翰林院文集若干卷藏於家

翟觀

按廣西通志觀臨桂人弘治二年以舉人知瀧水縣縣苦盜觀開誠撫綏盜用解散民賴以安遂肇慶府通判盜尋斂迹久之以同知領縣建東西兩營分縣兵居守建五十九砦籍其人爲砦兵盜不敢復窺瀧關荒田九百頃鑿水圳四十八處縣人頌之

翟唐

按萬姓統譜唐字堯夫第進士爲御史以敢諫有聲正德十年蒞廣州甫下車卽條布教令性嚴毅不撓於豪猾一無所假時市舶大監梁瑤執法擾民遂舉憲典束縛之因而奏討瑤納賂其黨遣禁校逮捕焉百姓奔走哭泣如喪考妣連道留之乃得還嵩明縣

翟瓚

按萬姓統譜瓚字廷獻昌邑人正德甲戌進士歷兵部侍郎

翟鵬

按撫寧縣志鵬撫寧人正德戊辰進士授戶部主事抽分河西務首革例金出守衛輝歷四年入覲治爲天下第一累遷僉都御史巡撫寧夏嘉靖二十年有邊警會推鵬提督北直山東河南等處軍務事不命